

與太上後道成太上遵元始天王命而選為以配大戒當以本命日說三百部戒而頌此文若日中及夜半時修之也先齋而後行道不知本命用甲子日若十年以後可正月一日行道耳

太上洞真徊玄章終

上清金章十二篇

宴聘太霞宮金闕曜紫清仙房宴太素四軒皆朱瑣擲輪空洞律控轡舞綠駢玉華飛雲蓋四妃運錦旌翻然塵濁外儵欵佳入庭宿感應期來所得已在冥乘風想九霄共酣丹

海四

十五

華安顧謝世中物安知無中靈北登玄冥闕攜手經高羅香烟散八景玄風鼓絳波仰超琅琅津俯巧曲嶽阿嘯歌雲上唱鳳鳴九洞霞乘燕浮太空曷為躡山阿金節命羽靈微兵摧萬魔激汲圓長暉積春方嬰牙紛紛趣競中不鮮可柰何北龍鬱霄藹絳樹結紫華青藥落鳳林碧椽秀巖阿靈閣陵太霞瓊房參太霞雲與曲室內八風飛冥沙九淵璋帝墉龍嘯唱節和扇颯五嶽嶺握節徵萬顧盼須臾頃忽然椿已過衰乳朝生者安和齡紀多隅景希宮運軸冲漠幽至觀映六庭大小蓋逍遙龍吹纏蓋雲虎吟駭萬條三素啓高圓丹霞蔚晨霄羽旂橫靈津紫駢飛華翹控轡九天外俯仰自家家塵珠結置穢神喪燕亦凋矣不尋遠御八千乃一朝朝濟碧海波

飛輪辭綠房高唱傳友篇蓋越滄浪中三契玉霄賓五期東華童羽颯昇帝晨宴此廣寒宮八音虛中埽紫鳳唱靈風絳霞邊明曜八景飛太空咀嚼瓊泉津浩秀遠嬰蒙至樂歸五神年積切刃崇脫疑將何難勞憂喪天冲

朝駕晨景暉逸轡紫清淨雲騎太霞揚蓋廣寒庭高真禁帝室宮墉引西靈十絕五空洞飛烟繞錦屏虎扇神風慶紫雲迴龍駢候欵窮八方一顧椿已頃蕭遙玄競子莫不尋太生神圃秀隱芝昆池灌瑪田仰觀玉清闕。差我臨絳津紫霞映曲帝五雲曜九玄八風起絕宇幽藹綠軒間三元含西宮東華有佳人北冥唱七嘯明姬歌南真撫歎參朱津玉節揚六絃合契安非運俱嚮廣鳳巔同期命萬魔宅此群黑千超然來何難乃啓不窮年。駕焉眇空洞乘景想九天動鬱廣暉羽玄蓋生死問八烟緗家輪執帶不許年撫璣八空響我馬亦無津握節入東華夕宴玄圃巔束帶携五靈解矜翹良人冥感自適運汎然亦有綠俱載陵厲翩一扇動億千降景浮玄景

默軒乘雲征仰超金闕內俯西華成東華
啓五暉神光煥七靈翳映三汜燭流任自齊
冥風鼓空洞宇香烟散玉庭手攜織女儂雙
杵落錦青元御交羽旌華蓋隨雲傾宴慶九
度外是非不我管抱空沈九內天姿愈日嬰

豈況洞憇穢中慘無聊生扶桑翠空峯朱雲
葩微明浪臺宥虛上四觀映高清飛景控紫
輪三素轡丹駢復偃大帝館峻嶒何母庭濯
足碧瀨波提契玉醴麗曲晨乘風扇飄飄時
下傾暫適地藹中迴駕汜良真玄會自相要
○派浪任幽真始知榮辱幸方悟愛促壽曲室
可清靜願神待日成何為講當塗百病從是
生天庾生金華內以彰陰邪玉谷參玄卿瓊
烝互扶羅天真立遊日飛藥吐靈沙清晨奈
天馬迴駕神玄家仙人來入室又以滅百邪

道以齋為先勤行登金闕設大法橋普度
諸人物宿世恩德報道心超然發六齋禮空
洞十直神感徹五老刊仙名雲輿相迎謁身
飛昇玄都七祖咸解脫
上清金章錄

太上洞玄濟衆經

太上洞玄濟衆經
太上洞君告普光真人曰五種烟炁聚而成
體會其宿業因而受識輪轉其神有其生也
因識受染流入惡緣慶在昏衢居於闇界陰
蔽垢濁魔獄禁形長劫難辛失於明性由是

展轉迷波苦海中未有一人求出離者普光
又問烟炁之理何處流來闇界明性是誰為
主神之與識何處稟形識神是一為復二耶
是一不合二名是二各明何事為善作惡不
審是誰若神之所為則神妙無方既曰無方
○則無過惡兩業必由誰為惡者識當異神彼
此罪罰何容累及何以扶我聞神尊所說道
品中善惡兩業必由於神以是言之識有何
罪臣之愚蒙實所不了伏惟哀愍有以教之
則萬劫因緣一切咸荷

太上洞君告普光曰五無相結乃有烟炁觸
業生形因形能化性理和合是以為物從識
生變神乃為用識之與神不一不異何以故
法同源故體則是識五性相和用則為神照
於境有神若無識何所用智識若無神不能

為理譬猶符菜而為和羹五味相和何曾別
異無菜則味不獨擅無神則識不為用是以
用神為智味菜為美以此論之何曾有闇衆
生執著是故無明悞則是明明無定處迷則
為闇闇豈殊方深愛為獄形乃被拘無愛無

受亦無所有譬如野外無人之鄉十二時神
何曾有地牆垣既至屋宇斯成四方之神以
劫靈變故其屋宇諸神盡在衆生闇獄亦復
如是神之來也不知所從神之去也不知所
往惡業若成獄則為業罪咎若盡亦不知無
○且智有大小神有尊卑見神則曰無方一切
人庶皆聖何以故同不同故普光真人汝今
當知明闇神識盡於此也
天尊言曰氣氣相續種種生緣善惡禍福各
有命根非天非地亦有非人正由心也心由

神也形非我有所以得生者從虛無自然中
來因緣寄胎受化而生我受胎父母亦非我
始生父母也真父母不在此父母貴重尊高
無上今所生父母我寄倚因緣稟受養育之
恩故以禮報而稱為父母焉故我受形亦非